

ACMHAINNÍ NÁDÚRTHA

Gníomhaíocht AN01

Téama

Gníomhaíocht ranga faoin aer (GR) nó Taispeántas faoi dhíon (T). Cá mhéad den Domhan atá ar fáil le daoine a choinneáil slán agus cad é an chaoi a bhfuilimid ag tabhairt aire don Domhan?

Cuspóirí

Smaoineamh ar an nádúr teoranta a bhaineann le hacmhainní agus na brúnna a bhíonn ar na hacmhainní sin ar fud na

cruinne agus léiriú a dhéanamh cé go smaoinimid ar an Domhan mar áit mhór, gurb é fírinne an scéil gur áit an-bheag go deo é le gach ní beo a choinneáil slán.

Snáitheanna Curaclaim

OSIE, Eolaíocht agus Tíreolaíocht - Feasacht agus cúram imshaoil

OSIE, Tíreolaíocht - Imshaoil nádúrtha; Carraigeacha agus ithreacha; Ithreacha

OSPS - Mé féin agus an domhan mór; Cúram imshaoil

Scileanna

Ag ceistiú, ag breathnú, ag tuar, ag léirmhíniú

Am

30 nóiméad

Cá seasann tusa?

→ AG IMSCRÚDÚ ÁR GCUID FÉIN DEN DOMHAN

CAD A THEASTÓIDH UAIT

→ Píosa cailce

CAD A DHÉANFAIDH TÚ

Sa Seomra Ranga

Faigh amach cá mhéad de mhuintir an Domhain a seasann gach duine de do chuid daltaí dóibh. Mar shampla tá thart ar 6 billiún duine ar Domhan, agus mar sin má bhíonn 24 dalta agat seasann gach duine acu do 1/4 billiún duine.

Taobh Amuigh

Tarraing ciorcal mór le cailc a bheidh ag seasamh don Domhan taobh amuigh ar áit éigin crua (ar nós an chlóis shúgartha uil-aim-sire). D'fhéadfá snáithe agus cailc a úsáid ar nós compáis le haghaidh ciorcal maith a dhéanamh. Leis an méid is fearr a roghnú, samhlaigh an rang ar fad brúite ina chéile gan aon chompord agus tarraing an ciorcal thart ar 20 uair níos mó ná an spás a thógfaidís suas.

- 1 Tosaigh ag insint do na daltaí gurb é seo dromchla an Domhain. Tabhair cead dóibh imeacht leo astu féin agus lena fháil amach cé chomh mór agus atá sé.
- 2 Roinn an ciorcal i gceathrúna le líne cailce. Abair leis na daltaí go seasann trí cinn de na ceathrúna don uisce. Iarr orthu ar fad seasamh ar an gceathrú a bheidh fágtha.
- 3 Déan dhá leath den cheathrú sin le marc cailce. Is leac oighir, sléibhte nó seascainn é leath amháin agus nílimid in ann cónaí ann. Iarr ar na daltaí ar fad seasamh i mullach a chéile ar an bpíosa a bheidh fágtha.
- 4 Roinn an píosa beag deiridh i gceithre chuid. Ní bheidh ach píosa amháin oiriúnach le haghaidh bia a fhás. An mbeidís ar fad in ann seasamh ar an bpíosa sin?



ACMHAINNÍ NÁDÚRTHA

Gníomhaíocht AN01

ar leanúint →

- 5** Iarr ar na daltaí smaoineamh orthu féin agus iad ar fad ag iarraidh fanacht ar an bpíosa beag le chéile, iad ag coinneáil a chéile suas agus iad ag déanamh iarrachta gan titim taobh amuigh den líne.
- 6** Anois iarr orthu smaoineamh ar cad a tharlódh dá n-éireadh an píosa seo níos lú arís? Cad faoi dá ndéanfaimis damáiste do chuid de agus muid fágtha le níos lú arís? Cad faoi dá n-ardóimis an líon daoine a bhfuil baint acu leis gan méid na háite féin a bhfuiltear in ann seasamh air a athrú?

Leagan den Taispeántas Taobh Istigh

Féadfar an ghníomhaíocht seo a dhéanamh chomh maith mar thaispeántas taobh istigh a dhéanfaidh an múinteoir. D'fhéadfaí an leagan seo a úsáid freisin mar ghníomhaíocht i ndiaidh na gníomhaíochta taobh amuigh le deis a thabhairt tuilleadh plé a dhéanamh ar an gceist.

CAD A THEASTÓIDH UAIT

- Dhá úlla
- Scian

CAD A DHÉANFAIDH TÚ

- 1** (Croch úll amháin san aer) Seasann sé seo don Domhan. Cá mhéad de seo is ea ithir ina bhféadfaimís ár gcuid bia a fhás?
- 2** (Gearr an t-úll i gceithre chuid) Seasann 3 chuid do fharragí an Domhain, seasann 1 cuid amháin don talamh (leag na 3 phíosaí farraige ar leataobh)
- 3** (Déan dhá leath den chuid a sheasann don talamh) Is ionann 1 cuid agus fásaigh, seasainn, An Antartaice, an tArtach agus sléibhte. Is ionann an chuid eile agus an

áit ina gcónaíonn daoine agus ina gcuirtear bia.

- 4** (Gearr i 4 chuid an píosa a sheasann don talamh áit a bhféadfaí bia a fhás) tá 3 chuid ró-chlochach, ró-fhliuch, ró-the nó ró-fhorbartha, nó tá caighdeán ithreach ann nach bhfuil sách saibhir le haghaidh bia a fhás ann.
- 5** (Bain an craiceann den píosa deiridh) seasann an píosa beag craicinn seo d'ithir an Domhain ar a mbíonn daoine ag brath le haghaidh táirgeadh bia. Ní athróidh sé sin - más tada é gheobhaidh sé níos lú (croch an píosa beag san aer agus cuir i gcomparáid é leis an dara húll, nach bhfuil tada déanta leis.)

Ceisteanna

- 1** Cad faoi má éiríonn sé níos lú? Cad faoi má bhíonn tuilleadh daoine ann leis an bpíosa seo a roinnt?